

# جریدہ علمیہ

مشیت جلیلہ، اسلامیہ نمک، جریدہ، رسیہ سیدر

غرة شوال سنہ ۱۳۳۲

عدو : ۵

آبدہ بر نشر اولنور

برنجی سنہ

## تبیغات عمومی

« مستحقین رجال علمیہ ترتیبندن معاشی اولانلر حقندہ اجرا قلنہ حق تحقیقاتہ دائر »

مستحقین رجال علمیہ ترتیبی بیک اوچیوز یکریمی الہی سنہسی موازنہ قانوننک یکریمی بشنجی مادہسی موجبہ حق تقاعد ومعزولیتی اولیان وبالفعل مأمور بولنمیان منسوبین علمیہ ایله محتاج اولان علمیہ طائہ لرینہ مشروط اولدینی جہتلہ ترتیب مذکوردن معاش خصصی بولنان ذواتک تسویہ اولنہ حق معاشلرینک حین اعطاسندہ شرائط مذکورہی محافظہ ایدوب ایتمدکلرینک والیوم بر مأموریت ویا معلملکده مستخدم ووعظ ونصیحت وتدریس ایله مشغول اولوب اولمادقلرینک ووفات ایدنلر وار ایسه تاریخ وفاتلرینک وعائلہدن بولنانلرک ذات الزوج اولوب اولمادقلرینک وجهات سائرہدن خصص معاشلری وار ایسه مقدارلرینک بالتحقیق موضحاً ومسارعةً اشعاری لزومی محاسبہ افادہ سیلہ تعمیماً ولایات والویہ مستقلہ دفتردار ومحاسبہ جیلکلرینہ ازبار ایدلش اولمغله طرف والارندن دخی اول وجهلہ ایجابنک ایفا وانبا وملحقات مال مأمورلرینہ دخی تبلیغات اجراسنہ همت ایللری سیاقندہ شقہ محی ترقیم قلندی .

۱۷ شعبان ۱۳۳۲ ۲۸ حزیران ۱۳۳۰

\*  
\*\*

«معرکہ» وغادہ غیبوت ایدن افراد عسکریتلک موت حکمیلرینک صورت تعییننہ دائر»

سلاح آلتندہ ایکن وفات ایدن افراد عسکریتلک کیفیت وفاتلرینک درحال منسوب اولدقلری محللرہ اشعاری اصول موضوعہ اقتضاسندن ایسہدہ بو اصول انحق وفاتی معلوم اولانلر حقندہ تطبیق اولنہ بیلوب احوال حربیہ طولایہ سیلہ حیات ومماتلرندن معلومات آلنہ میان افراد حقندہ هیچ بر طرفہ تبلیغات اجراسنہ امکان اولمادیقندن بو قبیل افرادک اوچ یوز اوتوز سنہسی مارتنہ قدر کما کان حیات ومماتلری مجهول قالدینی حالہ ایلریدہ برحیات اولدقلری تبیین ایدرسہ او نقطہذن تعقیب مصلحت اولنقی شرطیلہ خصوصات سائرہدہ احکام شرعیہ دائرہ سندہ حققرندہ معاملہ ایفا ایدلک اقتضا ایدہ جکی حربیہ نظارت جلیلہ سنک جملہ اشعارندن اولدینی کبی مجلس تدقیقات شرعیہ دن دہ بو قبیل وفیات عسکریتہ حقندہ وقوع بولہ حق مزاجمت واقامہ اولنہ حق دعوالر اوزرینہ تحقیقات مکملہ اجراسندن صکرہ برنہج شرعی ایفای مقتضاسی خصوصنک تعمیماً قضاء کرامہ اشعاری افادہ اولنمش وجریدہ علمیہ نک برنجی نسخہ سنک یکریمی بشنجی ویکریمی

التنحي صحيفه لرنده مندرج فتاواي شريفه ده محرر اولديني اوزره « زيد موقع حربده اعدا ايله محاربه ايتدكدن صكره مفقود اولوب حيات ومماتي معلوم اولماسه زيدك مماتي غالب ظن اوله جق مرتبه مدت مرورندن صكره موتيله حكم اولنقى صحيح اوله جنى وبو صورتده زيدك موتنه حكمك لحوقدن صكره زوجه سى هند بعدا قضاء العده نفسى آخره تزويج وورثه سى دخى تركه سنى مسئله ميراثلى وجه ايله تقسيم ايتكه قادر اوله جقلى » جهته مجلس تدقيقات شرعيه نك افاده سنه و ذكر اولنان فتاواي شريفه حكمه توفيقاً اجراي ايجابى بالعموم قضاء كرامه تبليغ ايدلمش اولغله طرف فاضلانهلرندن دخى اكا كوره اقتضاسنك ايفا ونسخ ملفوفه نك ملحقات قضائيه اسراسنه همت اولنقى سياقده شقه محيى ترقيم قلندى

۲۰ شعبان ۱۳۳۲ ۱ تموز ۱۳۳۰

\*  
\*\*

« دعوتہ اجابت ايتمانلرك غياباً اجراي عاكملرنده تردد ايدلمسى حقنده »

محاكم شرعيه ده بردن زياده دعوتيه تبليغى اصولى ۱۷ جاذى الاولى ۱۳۳۲ تاريخنده موقع مرعيتيه وضعى اراده سنه حضرت خلافتناهي به اقراران ايدن ماده منفردۀ نظاميه ايله الفا ايدليكي كبي محكمه شرعيه دن وقوع بولان دعوتيه اجابت ايتمانلر حقنده محاكمه غاييه اجرا اولنه جنى ده ۸ جاذى الاخر ۱۳۳۲ تاريخنده مرعيت احكامنه امر و فرمان هايون حضرت پادشاهى شرفتملق بيوريلان مواد نظاميه دن اوچنجيسنك فقره اولاسنده محرر بولنش اولديني حالده دعوت واقعه به عدم اجابته بولنانلر حقنده جبراً محكمه به احضار معامله سنك تطبيقى يا خود غياباً محاكمه نك اجراسيمى لازم كله جكنده بعض طرفلرجه تردد ايدليكي اكلا شلمشدر محاكم شرعيه جه بر دفعه دعوت ايديلوب ده اجابت ايتمانلر حقنده جبراً احضار معامله سنه كيدليه نك همان محاكمه غاييه اجراسنه توسل ايدلمسى لازم كله جكي دركار بولنديغندن ذكر اولنان ماده نظاميه منفردۀ موجبنجه بردن زياده دعوتيه تبليغ ايدلامكله برابر اشبو دعوتيه اجابت ايتمانلرك بشقه بر معامله به حاجت اولقسرين فقره مذكوره نظاميه حكمه توفيقاً غياباً اجراي محاكمه لرى لزمى قضاء كرامه تعميماً تبليغ ايدلمش اولغله طرف فاضلانهلرندن ده بويولده معامله ايفاسى ونسخ ملفوفه نك ملحقاته اسراسى خصوصه همت ايللرى سياقده شقه محيى ترقيم قلندى .

۲۶ شعبان ۱۳۳۲ ۷ تموز ۱۳۳۰

\*  
\*\*

« ترهیب اعدای مؤدی تدابیر حقنده خلقه تشویقات و ترغیبات لازمه، بولنلمسه اثر »

خلقك تربیه بدنیه به اهمیت ویرهرك چویك ، قوی ، هر دورلو مشکلات و مزاحمی ماده و معنأ اقتحامه مقتدر اولسی لازمدر.

آته بنهك ، آت بسلمهك فوآند دینه و ماده و معنویه سنی ایضاح ایتك ؛ اسکی عثمانلیلك آت مراقربی تفصیل ایله مك .

ای قلیج ، روولور و تفنك قوللانمغه وای نشان آتمغه اهمیت ویرمك .

بالاده کی خواص و مزایای مردانه یی اکتساب و تمیه ایچون ، جنكاور اولاد وطن یتشدرمك ایچون تأسیس اولنان عثمانلی کوچی درنكلرینه انتساب ایدلسی و یکیدن پك چوق درنكلر تشکیل اولونماسی خصوصنه تشویق ایتك .

سفرلك اعلان اولوندینی زمان مکلفیت عسکریه داخلنده بولونان هر فردك دعوت اولونسون ، اولونماسون و امر آلسون ، آلماسون بهمه حال سرعت ممکنه ایله اك یقین ویا منسوب اولدینی دائرة عسکریه به مراجعت ایدرك وظیفه دینه و وطنیه سنی ایضاح شتاب ایله مسی لزومنی ایضاح ایتك « سفربرلكده هر کس نه قدر چابوق مراجعت ایدر و وظیفه سنی باشند بولونورسه حربه اونستبد ایرکن حاضر اولونور. حربه کچ حاضر لاناك باشه کلن بالقان حربنده کورولمشدر » هر کسك اودد او طور وب انتظار ایتسی و یا باشقه سی فداکارلق ایتسون ، بن سیر ایدیم دیسی فلاکت تولیدنن باشقه برشی انتاج ایتیز.

حرب هر کسك مال و جان نقطه نظرندن فداکارلق ایتسی مستزمدر. وقت حضرده و بدایت حربده مظفر اولوق ایچون چالیشایان و فداکارلقدن چکینن ملتسر مغلوب و پریشان اولورلر و نهایتده اولکی فداکارلقلرك بش اون مثلی اجرابه مأمور قالدقلری حالده هیچ برشی قازانماش و شرف و ناموس ملی و دینی غائب ایتش اولورلر. حرب ابتدا سنده سفر برلكده بر آتخی و بر اوکوزینی ، بر آراهه سنی ویا بر چوال ذخیره سنی قوانین دولته توفیقاً حرب ایچون جهت عسکریه سند مقابلنده ویرمه ین بالآخره دشمنك قهار سونکولری آلتنده تکمیل ماملکنی غائب ایدر و عینی زمانده ناموس و حتی جاتی ده ضایع ایلر.

اسلامیتك تعالی شان و شوکتی و عثمانلیلغك تأمین سلامت و سطوتی امنیه سنه معطوفاً حربیه نظارت جلیله سندن تنظیم اولنوب صورتی بالاده محرر بولنان ماده دائر خلقه

تشویقات و ترغیبات لازمده بولنلمسی خصوصی تعمیماً مفتی اقدیلره اشعار ایدلمش اولغله طرف شریفلرندن دخی اول وجهله ایجابنك ایفاسی سیاقنده شقه ترقیم قلندی .  
۱۲ رمضان ۱۳۳۲ ۲۲ تموز ۱۳۳۰

### تذاکر علی

« درسعام و مدرس و فتواخانه عالییه مأمور اقدیلرک عسکرلکری حقنده »

سفر برلك مناسبتیه سلاح آلتنه دعوت اولانان مکلفین میاننده درسعام و مدرس اقدیلرله فتواخانه عالییه مأمور منسوبین و متحیزین علمیهدن برخیلی ذوات بولنمقدم اولوب مومی الیهکم اردوده موجودیتلری افراد سائرہنك قوای مضویہلرینه پک مهم تأثیرات حسنهده بولنهجفی درکار اولدیغنه وسنهلرجه تحصیل علومایله اخذ وحتی اعطای اجازت ایلش اولان و شو صورتلهده خدمت مقدسه عسکریهلرینی ایقایه شتاب ایدن مومی الیهکم هنوز موظف امامی بولنمیان طابورلرده امامت وظیفهسی ایفا ایتدیرلمك کبی تحصیل و موقعلریله متناسب تسهیلات و مساعداته مظهر ایدلمسی و امامت مثالو خدمتلرده استخدام اولنمیوب سلاح انداز اوله جقلزك دخی کسوه عسکریهلرینی لابس اولدقلری حالده نشانه فضیلتلری اولق اوزره عمامهدار بولنلرینه مساعدہ اولنمی من کل الوجوه موافق اوله جغه و مومی الیهکم درس وکالتجه هویتلرینی مبین وثیقهلر اعطا قلنه جغه بناء اشبو وثیقهلری حائز اولان درسعام و مدرس اقدیلرله فتواخانه عالی مأمورینی حققرنده بروجه محرر معامله اولنمی ضمنتده لازم کلنلره اوامر لازمه اعطا ونتیجه سنك انبا بیورلمسی سیاقنده تذکره ثناوری ترقیم قلندی افندم .

\* \*

« شهر رمضانده علناً نقص صیام ایدنلر حقنده »

احکام دینییه رعایت بر ملنك اك بیوك مدار فیض وسعادتق اولدینی و توفیقات جلیله صمدانییه نائل اولق ایستانلرک اوامر منیفه الیهیه مطاوعت کامله لری و جاأیدن بولندینی حالده شوآرهلر برطاقم کیمسهلرک سفر حالنده افطارک جوازی بهانهسیله شهر صیامه حرمسنزلکه حرأت ایلدکلری کال تأسفله مشاهده ایدلمکده در جالبوکه سفر برلك مناسبتیه اعطا ایدیلن قوای شریفهده محرر اولدینی اوزره عساکرا سلامیهدن نهار رمضانده خدمات عسکریهنك شاقه اولان قسمنی اجرایه مجبور اولانلر صائماً خدمات مذکوردهده بولندقلری تقدیرده شدت حرارتدن هلاک یا نقصان عقل قورقوسی غالب ظن اولنجه